

চবি ভিসি'র কক্ষে ছাত্রদল

ক্যাডারদের জোরপূর্বক

প্রবেশে লাঞ্ছিত করার চেষ্টা

চট্টগ্রাম ভার্শিটি সংবাদদাতা:।। সম্মেলন অনুষ্ঠানের অনুমতিকে কেন্দ্র করে ছাত্রদল ক্যাডাররা রবিবার চট্টগ্রাম বিশ্ববিদ্যালয়ে তুলকালাম কাণ্ড ঘটিয়েছে। ক্যাডাররা জোরপূর্বক উপাচার্যের কার্যালয়ে প্রবেশ করে উপাচার্যসহ অন্য শিক্ষকদের লাঞ্ছিত করার চেষ্টা চালায়। পুলিশের হস্তক্ষেপে ব্যর্থ হয়েছে উপাচার্যের কার্যালয়ে হামলা ও ভাংচুরের প্রচেষ্টা। কর্তৃপক্ষের নিষেধাজ্ঞা অমান্য করে ছাত্রদল ক্যাডাররা বিক্ষোভ প্রদর্শন করে।

রবিবার সাড়ে ১২টায় প্রশাসনিক ভবনের উপাচার্য কার্যালয়ে পদার্থবিদ্যা বিভাগের শিক্ষক নিয়োগ পরীক্ষা চলছিল। এ সময় ছাত্রদলের একটি মৌন মিছিল বিনা অনুমতিতে উপাচার্যের কার্যালয়ে প্রবেশ করে উপাচার্য অধ্যাপক আব্দুল মান্নানসহ উপস্থিত শিক্ষকদের সঙ্গে ঔদ্ধত্যপূর্ণ আচরণ করতে থাকে। ছাত্রদল সম্মেলন প্রস্তুতি কমিটির আহ্বায়ক সেলিমের নেতৃত্বে ক্যাডাররা আগামী ১৩ অক্টোবর ক্যাম্পাসে অনুষ্ঠিতব্য ছাত্রদলের কাউন্সিলের অনুমতি চায়। উপাচার্য আব্দুল মান্নান উদ্ভূত পরিস্থিতিতে আরোপিত নিষেধাজ্ঞার কারণে অনুমতি পদানে অস্বীকার করায় ছাত্রদল ক্যাডাররা বিভিন্ন প্রকার হুমকি প্রদর্শন করে।